

REGORD DA GIUVENTÙ

Vuraria cuntà su
cusa l'è stàia la mé giuventù,
gh'ho mai vù nagótt
nànca 'n para da scalfaròt
e i scarp che mi purtavi
evan lassàa indré du la tùsa dul podestà.
Però ,gh'hevi un vestii
celest a fiùur
ca l'è durà tant'ann
e da strava n'ho fai tanta,
miseria e famm, parchè sevum in tant.
E quand ho fai la cumenion, la nòna Giacomina,
l'ha strascià un lenzö da chi bon,
l'eva bell e ricamàa da fagh invidia anca 'n sant.
E mi cresevi in mèzz a la tera,
anmò senza nient, parchè
da pócch gh'eva finì la guera.
Regordi ,ma davan in man 'na mica
da pan cunt i nüus, 'na sgràzza d'üga,
pö ma mandavan in lécc
alprim tócc di campan
par fam senti meno la famm,
in primavera vangavan la tera, che pócch la dava.
Pian pian sunt anca cressuva
e a cà mea gh'eva sempar miseria,
han decidù da fam laurà;
m'han di: "và in continente
a guadagnass ul pan".
E grazie al Signur l'ho guadagnàa,
ma sunt spusava cunt un varesott
ca 'l ma fina insegnàa
a parlàul so dialètt.
Sun stàia fortunava parchè
la famm e la miseria
mò 'i patissi pü.
Però 'n dul mè cöör gh'è restà
i regord da miseria e famm,
cunt la speranza ca tuman pü.

Angela Menconi Ganna